



Pou Piblikasyon Imedya: 08/12/2023

GOUVÈNÈ KATHY HOCHUL

GOUVÈNÈ HOCHUL ANONSE NOUVO LWA PWOTEKSYON KONSOMATÈ POU KLIYAN KAT KREDI YO PRAL ANTRE AN ANVIGÈ 10 DESANM

*Nouvo lwa egzije pou konpayi kat kredi yo bay konsomatè yo yon peryòd gras 90
jou pou yo itilize nenpòt pwen lè kont rekompans yo fèmen*

Ofri konsomatè yo tou konsèy sou kijan pou yo pwofite plis pwen rekompans yo

Gouvènè Kathy Hochul te anonse jodi a yon novo lwa eta a ki pral antre an vigè ki pwoteje moun ki gen kat kredi pou yo pa pèdi rekompans yo te genyen nan kat kredi yo. Apati dimanch 10 desanm, konpayi kat kredi yo dwe pran lòt etap pou pwoteje konsomatè yo kont pèt pwen akimile lè yo chanje oswa sispann pwogram rekompans yo.

"Pwoteje bous Nouyòkè yo se yon gwo priyorite epi n ap ede fanmi yo ekonomize lajan sezon fèt sa a", **Gouvènè Hochul te deklare**. "Ak lwa sa a k ap antre an vigè, Nouyòkè yo ka gen asirans yo p ap pèdi rekompans kat kredi yo te genyen yo."

Sekretè Deta a, Robert J. Rodriguez, te deklare, "Ak acha fèt jou yo ki an plen esò, anpil konsomatè yo ap itilize kat kredi yo pou akimile rekompans yo nan sipozisyon yo ka echanje yo nenpòt ki lè. Men, sa pa toujou ka a. Nouvo lwa sa a pral pwoteje konsomatè yo lè li garanti yo yon peryòd gras minimòm pou itilize rekompans sa yo."

Dapre novo lwa a, moun ki bay kat kredi yo gen 45 jou pou bay moun ki gen kat yo avi lè yo anile oswa fèmen oswa modifie nenpòt kont kat kredi ki egziste deja oswa pwogram yo rekompansyon fason ki mwens favorab pou konsomatè a. Sa enkli nenpòt chanjman ki elimine oswa diminye valè pwen yon konsomatè, sa ki rann li pi difisil pou akimile pwen, ki limite disponiblite rekompans yo, oswa ki otreman diminye valè pwogram rekompans lan. Apati jou konpayi kat kredi a voye avi sa a, konsomatè yo gen 90 jou pou rachte pwen yo akimile oswa rekompans yo an akò ak tèm ak kondisyon oriinal pwogram nan. Pandan ke konsomatè yo souvan touche rekompans yo anvan yo fèmen kont yo, lalwa egzije yon peryòd gras apre nenpòt ki kont fèmen.

Anpil konsomatè èstratejikman ekonomize rekompans kat kredi, tankou pwen, "km" nan liy avyon yo ak rekompans lajan kach pou finanse vwayaj, vakans, gwo acha, oswa lòt objektif. Revokasyon inatandi nan pwogram rekompans oswa modifikasyon favorab ka

koute konsomatè ki ekonomize pwen yo ekivalan ak dè santèn dola, epi, nan kèk ka menm dè milye dola nan valè yo pèdi. Menm lè yon konsomatè deside volontèman fèmen kont kat kredi li a, plis tan pou rachte pwen yo ka gen valè pou konsomatè yo pwofite pwen yo.

Senatè Eta Shelley B. Mayer te deklare, "Mwen kontan dèské apati 10 desanm, yo pral pwoteje konsomatè yo pou yo pa pèdi rekonpans yo te genyen sou kont kat kredi yo san okenn pwoteksyon. Pou anpil moun, yon pèt toudenkou nan rekonpans ka totalize pèt yon kantite lajan enpòtan. Kounye a, moun yo pral resevwa notifikasyon ak yon peryòd gras pou itilize rekonpans yo lè y ap fèmen yon kont, kidonk sa k ap ogmante transparans pou tout Nouyòkè yo epi asire yo ka itilize rekonpans kat kredi yo resevwa yo. Mwen remèsyè Manm Asanble Nily Rozic paske li te defann lejislasyon sa a nan Asanble a ak Gouvènè Kathy Hochul paske li siyen li an Iwa."

Manm Asanble Nily Rozic te deklare, "Konsomatè New York yo merite sekirite pou konnen rekonpans kat kredi yo p ap sispann san atann. Nouvo Iwa a ak règleman ki derive yo pral mande pou konpayi kat kredi yo bay yon vèsyon gras 90 jou pou yo ka asire ke yo sèvi ak rekonpans yo genyen anba redi yo. Mwen fyè pou m travay avèk Gouvènè Hochul ak Sekretè Deta Rodriguez nan aplikasyon Iwa enpòtan sa a."

Konsèy pou itilize rekonpans kat kredi yo:

Tire maksimòm opòtinite nan pwen ou yo: Anpil pwogram rekonpans bay plizyè opsyon pou konsomatè yo rachte pwen, tankou opsyon kachbak, "km" nan avyon oswa opsyon "peye ak pwen". Konpare valè chak rekonpans potansyèl epi chwazi opsyon ki bay pi gwo valè dola pou chak pwen.

Revize règleman ekspirasyon rekonpans yo: Pandan ke pifò rekonpans kat kredi pa ekspire toutotan ou kenbe kont kat kredi ou an ouvri, sèten "km" ak pwen rekonpanse konpayi avyon ak otèl yo ekspire apre 12 a 36 mwa. Li tèm ak kondisyon nenpòt kat rekonpans pou w konprann politik ekspirasyon an. Menm si kondisyon yo prevwa ekspirasyon pwen yo nan kèk sikontans, sonje ke konpayi kat kredi a pa kapab refize konsomatè yo yon peryòd gras 90 jou pou rachte pwen apre yo fin modifye oswa mete fen nan yon pwogram rekonpans.

Evite vin delenkan sou kont ou: Pèdi rekonpans kat kredi se sèlman yon aspè nan enpak negatif ke fè peman an reta ka genyen sou byennèt finansye ou. Pifò konpayi kat kredi mande pou konsomatè yo kenbe kont yo an règ ak peman alè pou jwenn aksè ak pwen yo. Fè acha pou jwenn rekonpans ka yon tantasyon, men pa janm depanse plis pase ou kapab peye jis pou genyen pwen oswa rekonpans.

Fèmen kont yo yon fason estratejik: Si ou deside ou bezwen fèmen yon kont kat kredi, planifye pou rachte tout pwen ou yo anvan fen peryòd gras 90 jou ou a. Nan kèk ka, ou kapab tou transfere pwen yo bay yon mari oswa madanm oswa yon lòt kat sou non ou.

Enfòmasyon sou Divizyon Pwoteksyon Konsomatè Eta New York la

Divizyon Pwoteksyon Konsomatè Eta New York la bay konsomatè yo resous ak materyèl edikasyon, ansam ak sèvis medyasyon volontè ant konsomatè yo ak biznis yo. Liy Èd Asistans Konsomatè a 1-800-697-1220 disponib soti lendi rive vandredi depi 8:30am rive 4:30pm, sa pa enkli peryòd Vakans Eta a yo, epi nou kapab depoze plent konsomatè yo nenpòt lè nan www.dos.ny.gov/consumer-protection.

Pou lòt konsèy sou pwoteksyon konsomatè yo ak alèt pou konsomatè yo, konsomatè yo ka vizite sit entènèt DCP a oswa swiv DCP sou rezo sosyal yo atravè Twitter nan @NYSCConsumer oswa Facebook nan www.facebook.com/nysconsumer.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418